



廣東新語卷二十一

分目

獸語

虎

牛

熊

狨

麋

番狗

箭豬

義象

犀

果下馬

猿

兔

獐

乳羊

香狸

鹿

馬會

猴

鹿

狗

獺

凶年虎



廣東新語卷二十一

廣東新語卷二十一
風
虎
非
虎
行
故
曰
風
從
虎
虎
得
風
其
威
乃
生
風
者
虎
之
非
虎
行
故
曰
風
從
虎
虎
得
風
其
威
乃
生
風
者
虎
之

廣東新語卷二十一

番禺 屈大均 翁山



獸語

虎

高雷廉三郡多虎商旅遇之輒詬罵以奪虎氣斥
之為大蟲凡風主蟲蟲風族虎乃風族之大者故
虎之來必有風其聲颼疾山行者聞風聲有異則
知有虎常有人入山燔木一虎來直豎其尾大哮
吼風起火即盡滅久之虎去風颼颼猶在樹間蓋
虎在地上行甚緩遇林木則其行如風竟若風行
非虎行故曰風從虎虎得風其威乃生風者虎之

羽翼也

木之性宜雷艸之性宜風虎者風之獸故虎嘯而風生風以生艸艸之柔非露不能滋潤秋天多露故虎毛滋潤虎毛如艸故以秋而變其文炳如粲之虎毛率短淺不及西北邊者斑而溪厚則以南方火盛霜露少而金氣微也

從化山中多虎常緋衣幘頭盛陳儀從而出夜則燈火煌煌射林薄見者以爲山神也欲食人則脫幘頭緋衣復變爲虎乃大哮吼而前蓋帝命山神以治虎而虎卽假山神冠服以食人謂虎卽山神耶是帝命山神爲虎也吾不知其解矣

羅浮有啞虎不嘯不啞相傳葛真人上昇畱二母粒以與其隸黃野及啞虎食爲羅浮四菴守者今冲虛觀葛真人像旁有黃野及一蹲虎是必啞虎也然士人皆云山中虎率不嘯不啞從不傷人八九十歲老人未嘗聞有虎哮吼亦可異也山中人卽或遇虎亦狎易之然山中亦有少虎云有詠者云擣禽應白梓暗虎懷仁讓

犀

八蠶蠱鄉飲食中以犀角攪之有毒則白沫生以炙毒藥則無毒勢也犀角出暹羅者內凹外凸氣微腥出占城者四周圓整注沸酒且香照之有血

暈者價兩倍

鹿

雷州之野多鹿鹿以清明前後三日生子子生三日始開眼遇雨乃起而跑未雨雖墮地一月其脛猶軟跬步卽顛踣故雷人每乘其候捕之邵子云雨化物之走風化物之飛鹿麋以雨而始跑所謂雨化物之走也雷人喜捕鹿子尤重胎皮及紅瑪瑙茸蓋鹿以一陰生而爲茸可以補陰麋以一陽生而爲茸可以補陽故男宜食麋女宜食鹿萬州六連嶺有鹿市崖州左右曠野亦多鹿鹿黎人謁州守者必以爲贄其茸嫩者如紫茄長三四寸紅鮮可愛然不踰時未潰而本乾剖之有如堅木所謂柴茸不如蜀產者茸已岐枝解開猶嫩故八九宜以川茸

德慶青旗山有三足鹿初秦時龍母蒲媪常乘白鹿以出入農人惡其害稼母乃斷一足以放之至今鹿有三足者三足鹿善鳴鳴輒有驗在山上隅鳴則貴官詣龍母廟自上流而至在下隅鳴則自下流而至甚不爽

牛

上番禺諸鄉地瘠而民皆窳耕者合數十家牛牧以一人人以一日其牧牛之田曰牛田所生艸冬

亦茂盛食牛肥澤其種稻者曰人田上番馬牛出
多下番馬人田多而人田少者曰人田下番馬
廣州凡潮田稍高者犁必以牛牛必以吉貝核渣
飼之乃肥有力核中有仁榨油已其渣尚有潤澤
故牛嗜之牛皆水牛春以犁田冬以馱榨榨者榨
荻蔗以爲糖也水牛多產神電志云電白旄牛
韶州十月朔日農家大酺爲米糍相饋以大糍粘
牛角上曰牛年牛照水見影而喜是日牛不穿繩
謂之放閒
西江有潛牛牛身魚尾能上岬與牛相鬪角軟八
水旣堅復出牧者歌云岬飲江流恐遇潛牛

瓊州多山牛牛也而兩睛紅常百十成羣見人必
喝弗避或曰山牛有四眼以其眼上有兩旋毛狀
似四眼故云瓊州又多山馬似鹿而大千百爲羣
角彎而內向無岐眼下復有二眼日閉夜開以燭
物善入棘叢黎人得之以其皮易布皮可爲臥具
禦溼其毛牛也不識者以爲山牛也

果下馬

羅定之羅鏡西寧之懷鄉產小馬高僅三尺可騎
行樹下名果下馬一曰果驢多海石榴色駿者有
雙脊骨能負重凌高躡險輕疾若飛予有山歌云
花練初著時卽乘果下馬何處遣相尋知在荔枝

下又云果下紫騮嘶郎來自水西折儂花不得花
不爲郎低又有果下牛出高涼郡爾雅所謂犯牛
也郭璞云犯牛絕卑小可行果樹下故又呼果下
牛粵謠云果下馬果下相逢爲郎下果下牛果下
相逢爲儂畱果下馬者以其小而堅壯亦名石馬
粵人凡物之小者皆曰石然果下馬非有種馬中
偶然產之不可常得故其價絕貴

馬會

東莞盛時喜爲馬會以馳騁相雄每會日於平原
廣野設步障陳鼓樂數百里外皆以名馬來赴其
下者不得雜馳卽上駟亦須主人舉觴以請乃馳

有黎姓者以控縱之道名當其出馬皆屏氣斂容
以觀其馳驟有躑躅橫排小行大行中行并脚諸
法一步不亂時有一馬兩目如紫琉璃高項廣膊
駿甚人不能騎兩壯夫牽之昂首頻嘶躑躅不定
黎已年老力不踰中人然執鞭躡鐙馬爲戰栗往
返十餘次奔騰超逸足不參錯觀者皆爲神王有
贈以詩云一片紅塵隨電去只聞風雨在空冥

熊

嶺之南熊有三種曰人熊曰豬熊曰狗熊狗熊卽
爾雅所謂熊虎醜其子狗者也郭璞謂熊之子名
狗非也狗熊者熊之小者也以其小故曰熊子也

璞又言律曰捕虎一購錢三千其狗半之今嶺南捕得虎與狗熊皆受上賞以其食人之獸而狗熊尤嗜小兒也又熊多力黎人搏而獲之一峒畢賀以熊多則其地不祥崇禎間樂會有熊無數自山中出捕得百餘首自是頻年大旱蓋旱徵云人熊卽狒狒多力而好笑一名山笑見人則笑不止以投其嗜也胸間有脂絕美名熊白人患髮毛黃者以熊白一升塗之伏床底食頃卽盡黑有鬻鬻者如人面唇黑身有毛反踵見人亦笑笑則上唇掩目大者丈餘俗呼爲山都鄺氏云山都形如崑崙青毛有尾見人輒閉目張口而笑鬻鬻見人則握

手而笑人以竹筒置臂姑與之握握則必笑笑而上唇掩目因曲臂以錐穿其唇於額格而殺之吳都賦云猩猩啼而就擒鬻鬻笑而被格是也狒狒狀如獼猴紅髮鬚人言而鳥音能知生死笑似鬻鬻上吻覆額得之生飲其血可見鬼物是皆人熊之屬也又云熊名子路撞人於熊館呼之子路可出熊卽出子路可鬪熊卽鬪有綠者土司猩猩取其皮爲駿馬障泥塵不敢揚威懾虎豹一尺百金其牝曰羆披髮人立力能拔樹指爪利如鋒攢遇虎豹樵牧皆抗其喉捏鮮血飲之其脂亦曰羆白味過於前掌後蹠也猩猩人面猿身一名熊人

謂其熊而人也曰人熊者謂其人而熊也一曰紅
 人則謂其毛髮純紅也性機警通八方言聲如幼
 女子啼亦清越間學蟲鳥語音一一曲肖蓋獸中
 之百舌也最嗜酒人以酒滿注甕中復置高屐其
 旁猩猩見輒毀罵而去去已復還姑以指染酒嘗
 之遂至醉著屐而笑人因縛取問之曰汝飲我酒
 須還我血猩猩許以血一升卽得一升不能多血
 以染緋久而不變最可貴有騰豺者生高要西七
 十五里騰豺嶺狀類沐猴頭正方髮長丈許覆其
 面欲有所視輒搖頭以兩手披之一名騰豺上樹
 甚捷故以名東粵無豺狼惟此嶺有之疑亦人熊
 之類

猿

大庾嶺有白猿洞洞多梅樹白猿嘗攀挂其上花
 與猿皓然莫辨也行者聞風生始知爲白猿吟嘯
 復有緋猿善啼啼必三聲高州青山鎮其山多猿
 有黃緋者絕大毛彩殷鮮有黃色玉面者有身面
 俱黑者羅浮則有金絲猿毛如織絨其啼聲絕大
 瓊州多猿射之輒騰躍樹杪于四周伐去竹木然
 後張網得之嘗於石巖溪處得猿酒蓋猿以稻米
 雜百花所造一石穴輒有五六升許味最辣然絕
 難得封川之北三十里有猿嶺多猿牡黃而牝黑

牝能嘯牡不能也或云純黑者雄金絲者雌雄者
能嘯雌不能瓊州又有石猿小者拳許飲以井水
卽長粵故多猿予自二禺以至英德自泂口以至
連陽自石夾以至東安自六瀧以至榔口一路高
峯絕巘崖谷連綿古木蔽天百里陰黑失天日羣
猿聚族其間聲聲相應惻惻悽悽予輒落淚傷懷
不能自已

猴

瓊州多猴以小者爲貨曰拳猴大者曰獼猴亦曰
母猴母非牝也母音轉爲馬猶魚有馬鯢蚩有馬
蚩薊有馬薊藍有馬藍皆其類之特大者凡物之

特大者曰馬故又曰馬猴也

狨

東粵山中有狨大小類猿色純黃名金線狨一名
狨以其毛柔長可緝藉也尾絕自愛中藥矢卽自
齧斷其尾躡捷善緣木獼猴絕怖畏之其以獼猴
爲食也甚怪元孝有賦云維猴於狨若見大吏縮
爪戰唇相泣而跪狨呼猴前膝行蒲伏伸手探喉
捫胸抵脊驗其腹腰孰肥孰瘠瘠者遣之肥首戴
石使自湔洗使自拔毛須臾之間飮彼貪饕有裸
然者生從化山中似猴身黑面白其尾長過於身
數以尾自度其身以自娛其自愛尾亦似狨狨尾

短以金色而溫柔不能自保猥然尾長以無所可用而自保亦各有幸不幸歟

兔

粵無兔比年乃稍有之蓋兔者太陰之精一兔居於月腹而顧天下之兔天下之兔皆望之而孕故曰顧兔上顧而下望其精自口而入故兔吐而生子兔與月相爲性命鷄在日中亦然故曰中秋月多兔少魚月者兔之命也北方多兔月之世也南方少兔日之世也

鹿

麀一名麀旄尾狗足牡者有短角黧色喜食檉欒

高州寶山多有之其聲如破鉢每鳴則赦書至居人以為瑞予高涼曲云寶山春色照珠臺中有龍湫萬壑迴父老時時望蒼翠麀鳴知有赦書來其皮軟膩以作履襪良故廣人以為貨或謂麀多智聞犬而奔一息已去犬千百步亦足以免夫犬矣乃使智以泯其跡周遭走數匝復膝行數匝方一躍丈餘而去犬善聞氣亦從其跡周遭幾許又躡其膝行奮逸之跡而追之往往得麀麀盡其智適足以自戕何使不用其智犬雖智不得而追之

麀

麀似鹿而小黃黑色無角雄者有牙出口外秋冬

居山春夏居澤獵者得之以釀酒有消風之功八
月至十一月食之勝羊肉諺曰秋冬食麀春夏食
羊麀以釀酒羊以為糧

獐獮

獐獮似狸高足而結尾有黃白黑三種其產於暹
羅者尤善捕鼠澳門番人能辨之常以易廣中貨
物番人貴畜而賤人視獐獮不啻子女臥起必抱
持不置吾唐人因其所貴而貴之亦何心哉

狗

韶州有赤狗穴居吠則不祥雷州有喙夜食尾大
而喙甚長夜從樹上取食不以晝故曰喙夜食蓋

狗之族其曰豺狗者豺也曰毛狗者狼也粵東少
豺狼故不識者以為狗或曰封川多狼青色尾特
大作聲諸窟皆沸能食犬羊獲小兒

番狗

蠓鏡澳多產番狗矮而小毛若獅子可值十餘金
然無他技能番人顧貴之其視諸奴罔也萬不如
狗寢食與俱甘脆必先飼之坐與立番狗惟其所
命故其地有語曰寧為番狗莫作鬼奴

乳羊

廣東綿羊少有所產羊肉味甚澹惟英德乳羊食
仙茅肥甘補人予詩仙茅春食乳羊肥凡羊腦不

可食醫經云羊食百艸其病在腦乳羊則不然一
名茅羊本艸云羊食鉤吻而肥食仙茅而肪石湖
云羊食仙茅舉體卽化爲肪不復有血肉食之宜
人外有花羊石羊石羊色黑類人家羊而躑捷无
悶云羊羶而魚腥二者鮮食之則美故字以魚羊
爲鮮東南少羊而多魚邊海之民有不知羊味者
西北多羊而少魚其民亦然二者少得而兼故字
以魚羊爲鮮

水獺之名獺獺類青狐而小喙尖足駢能知水信
高下爲穴廣人以占水旱善捕魚一歲二祭魚淮

南子云畜池魚者必去獺獺廣人謂蛋家男曰獺
公婦曰獺婆以其能入水取魚也其以猿爲雌者
插翹山獺也語云猿鳴而獺候莊子云後獺狙以
爲雌言非類爲牝牡也鄭氏云山獺性淫而無偶
狙女采樵歌歎爲猿聲以誘之山獺聞之卽躍抱
狙女因扼殺之以其骨續骨解箭毒以陰莖入藥
名插翹春

箭豬

箭豬卽封豕也封者大也故象亦曰封獸封豕初
本泡魚泡魚大如斗身有棘刺故化爲毫豬毫在
項脊間尺許如箸白本黑端人逐之則激毫以射

人婦女以金銀鑲之為簪能止頭癢除白屑其毫
如蒿然亦曰蒿豬又有山豬雄大而多力口旁出
兩牙長六七寸甚猛利肉味美多脂以多食禾稻
故也一名懶婦以機軸經織之器置田間則不敢
近齒長輒入海化為巨焦狀如蛟螭而雙乳垂腹
名曰奔鯨諺曰朝為泡魚暮為蒿豬朝為懶婦暮
為奔鯨刺婦女之不能服勤者也以奔鯨油為燭
照飲酒則紫焰生花照讀書則昏昧作暈湛若詩
丁年誤買奔鯨燭丙夜誰傳太乙書箭豬以魚始
山豬以魚終物之相變如是

香狸

雷州產香狸所觸艸木生香臍可代麝本州有真
貓自為牝牡者也亦名果狸其食惟美果故肉香
脆而其秋冬百果皆熟肉尤肥予詩食果三秋美
眠花一尺長又云果香生骨肉花味入膏脂南越
有狸無狐香狸外有玉面狸白面紅爪牛尾亦食
果飯則以水淘淡乃食有貓狸文如錦錢有火狸
毛色如金錢豹其錢差大歲久輒化為豹有藤狸
生長藤間食藤實而多倒挂有香麝味甘性溫食
之不畏蛇毒臍名麝香非麝也狸之似麝者也猱
女當春時多採生香麝子以為佩動則香氣遠聞
山歌云生麝香吹猱女風

碩鼠

廣中近多碩鼠狀如兔色白者以為白兔也嗜食
芭蕉薤菜四十日一胎子產一日即受孕番舶至
購以重金蓋廣中無兔且無白兔故以碩鼠當之
雌者多黑褐色而小父老云此物頗關理亂以少
為貴詩人所以歌食黍云

竹鱧

竹鱧穴地食竹根毛鬆肉肥美亦鬆肉一二瓣可
盈盤色紫味如甜笋血鮮飲之益人瘠中以為上
饌謂之竹豚予詩海人花蜃蛤山子竹鷄豚

義象

癸巳夏西師至肇慶久攻不下使羣象往皆縮栗
獨一象牯跳躍而前蹴死蕃兵數百以鼻捲起人
馬擲于半空既墮復糜爛之已而疫氣大作士卒
多死西師退羣象遂為所得有兩大象一不跪一
不食死餘象流涕終日蕃帥叱之一象虓怒奮起
將甘心焉幾不能制乃悉送之入都有為泣象行
者曰雲南象來舉國囂纏頭赤腳蠻子騎云是粵
東新戰獲道出江楚北歸旗還遵前朝加品秩照
品給俸沿途支大開城門容象進獨有一象不肯
隨印官當街再拜請象奴附耳前致詞先言禮節
勞縣主後言官職如前時去南日遠北日近此是

本國知不知象聞此言淚雙垂淋漓滿路觀者悲
語象且勿悲汝來粵東五千里即今放歸歸已遲
我聞西有獨牙象摧堅陷陣功尤奇昨日被執不
肯屈掘坑縱火焚其屍汝輩不戰復不死中道涕
泣將何為

凶年虎

從化縣凶年多虎獵者為機穿林中而擊土以致
虎虎每伏地擊土則必跳躍而出出時其飽易擊
饑則難故嘗以甘餌投之傳曰虎者戾蟲人者甘
餌噫嘻虎不食人人自為甘餌以投之奈何哉
廣東新語卷二十一終

廣東新語卷二十二

分目

鱗語

龍

土龍

怪魚

黃雀魚

魚花

鱈

龍蝦

插箔

石龍

蜃氣

暨魚

鼠鮎烏賊

魚生

養魚種

漁虎

飛魚

金龍

海鯁

潛龍鱗

魚

漁具

魚牌

魚餉

似嘉魚

鮪魚

廣東新語卷二十二

番禺

屈大均

翁山

謨

鱗語

龍

南海龍之都會古時入水采珠貝者皆繡身面爲龍子使龍以爲已類不吞噬在今日人與龍益習諸龍戶率視之爲蝦蟇矣新安有龍穴洲每風雨卽有龍起去地不數丈朱鬣金鱗兩目燁燁如電人與龍相視久之弗畏也其精華在浮沫時噴薄如瀑泉如雨爭承取之稍緩則入地中矣是爲龍涎或謂龍涎者多積於海上枯木如鳥遺狀其色

廣東新語

卷二十二

鱗語

一

青黎其薌腥雜百和焚之翠烟千結蜿蜒蟠空經時不散可以剪分香縷然多不真從番舶來者出大秦波斯於雨中焚之燭爆有聲則真蓋龍本純陽之精故其氣絕香又龍屬木木之氣得太陽多者必香故諸香以龍涎爲最得盂水徑撲其中不落空外龍以水爲用見水則精入焉蓋龍用精則爲雨用氣則爲雲

海中若龍氣每龍氣過輒噓吸舟船人物而去置之他所然舟船人物亦無恙也舵師知龍起但搗金鼓或焚鬻殼諸臭物或灑青礬卻之海濱多高樓樓角獸頭每爲龍氣所掣置兵器其上亦止以龍性畏鐵鐵辛爲目害故也

羅浮多龍潭嘗有人小遺潭中菴僧見之使之蒲伏土上俄有白氣千百道從谷中起迅雷乘風雨如注海上舟船已破溺無數矣人必蒲伏土上乃免若在木石之間必爲龍所掣矣又有人戲投巨石巖中巨石左右砰擊久而不下龍驚以爲雷也卽時白氣四起雨點如盤盂蓋龍與雷同類雷出則龍出雷入則龍入而其氣不起於潭洞中者山澤相通地中虛無之處皆龍之竅穴也又新興有天窗山其頂有潭歲旱以石投之聲震如雷卽雨又有井干湖其深莫測歲旱以土培擊之亦有雨

蓋亦驚龍之意龍聽以角謂之聾蟲故善驚

石龍

化州有石龍其首蟠州廨之左其尾注于江中身多竅穴每為風潮所激則噴沙如雪霏霏滿空有時鳴以一歲鳴以二三歲其聲隱隱與鶯鶴同在上如石在西如東有探其尾于急湍之下者皆得古錢或為五銖或為開元或古或近或缺或全紫碧交錯青黃雜植其為數歉不八九盈不二十雖百十人各有所給

金龍

茂名靈湫申有一龍井管時有潘茂名真人者以金鑄五龍納井中自永嘉至今每遇旱高涼太守出五金龍祭之雨立至或謂金龍者卅砂所成然非能為雨也為雨者祭金龍者也然亦靈異萬曆間有太守嘗竊其一行至中途金龍飛入于水今止存四然大旱時汲龍湫之水以禱亦得雨不必定出金龍云

土龍

廣人亢旱以水日雩祭于社而請雨以土為龍身皆黑而尾白長九尺使丈夫八人小兒八人皆衣黑衣丈夫昇龍小兒謹呼曰烏龍頭白龍尾小童求雨天公喜自北而南又自南而北乃歸于社息

廣東新語卷二十二
焉復取五蝦蟆錯置社之中掘池方五尺深一尺
置水埋蝦蟆其中而閉之

蜃氣

東莞合蘭海其水漩洄而黝黑三江之所匯有龍
窟焉嘗有積氣如黛或如白霧鼓舞吹噓倏忽萬
化其爲城闕樓臺塔廟諸狀人物車騎錯出於層
峰壘巘之間尤極壯麗舟行其中弗見也自外望
之變幻斯見卽之輒遠離之復近雖大風雨不能
滅人以其爲蛟蜃之氣所爲云其氣或大或小晴則
大陰則小五色光芒不定或如旌旗戈甲則兆其
地有兵革如倉廩則兆其地豐登居人每候之以

知災祥歲正月初三四五日必一見不見則以爲
怪或謂此乃海氣春晴始見非也此蜃氣也蜃者
千歲之雉所化其爲物最神莊生云龍合而成體
散而成章章者雲物之氣也蜃龍類也其能靜則
爲陰動則爲陽陰而含萬象於無陽而吐萬象於
有固於龍具體而微也然蜃氣之起大抵爲舟船
多爲樓臺者少天官書云南艮之氣類舟船幡旗
晉志云南艮氣如閣臺或類舟船凡雲氣各象其
山川人民所聚積蜃氣多象舟船亦南艮之氣所
雜爲變怪也必以春正月見者蓋青陽始動而龍
見于田蜃亦龍屬故其氣與龍皆當春而發至秋

而收也蜃氣與海市不同海市多見於靖康場當
晦夜海光忽生水面盡赤有無數燈火往來螺女
鮫人之屬喧喧笑語聞賣珠鬻錦數錢量米麥聲
至曉方止則市也或曰海上有珊瑚之市在虎
頭門西蓋卽海市或曰其地故有沉洲每月出輒
有鬼物就海中爲市所謂沉洲夜市也陳雲淙詩
月出珊瑚輪海市蓋南海蜃氣有氣而無聲海市
有聲而無氣以此爲別而靖康海市又與青州不
同靖康海市見於夜青州見於晝番禺雜記云海
邊有鬼市半夜而合鷄鳴而散人從之多得異物
殆所謂狼狽之民也水經注狼狽之民冥夜爲市
以鼻嗅金卽知美惡是也

海鯀

海鯀之出其長亘百里牡蠣蚌羸積其背崑岬如
山舟人誤以爲島嶼就之往往傾覆晝噴水爲潮
爲汝夜噴火海面盡赤望之如天雨火予詩云勢
欲吞舟去光先噴火來又云海鯀吐陰火千里波
潮紅蓋陰火生於海陽火生於山陽火爲雷以起
龍陰火爲風以起大魚固造化之常而石尤風則
海鯀益起艚船弗及避爲所吞噬猶夫鰕鮓之微
鯀非有意於吞舟也其氣呼吸所致也有海龍翁
者大如屋宇亦知風

海鱸長數百里或千里穴居海底入穴則海水爲潮出穴則水潮退其出入有節故潮水有期是名潮魚昔人多以爲潮者海鱸之所爲不知潮長則海鱸隨之出潮消則海鱸隨之入海鱸之出入以潮非海鱸之自能爲潮也此海魚之應潮者也

怪魚

海上多怪魚大小不一開洋時隨風鼓舞往往飛入船中人不敢取有一魚長數十丈其首有二大孔噴水上出遇船則昂首注水船中須臾而滿亟以鉅甕投之連吞數甕則逝有一魚背長丈許有齒刻如鋸能與力戰而勝以救海船又有魚長二

十餘丈性最良善或漁人爲惡魚所因此魚輒爲漁人解圍又大風雨時有海怪被髮紅面乘魚而往來乘魚者亦魚也謂之人魚人魚雄者爲海和尚雌者爲海女能爲舶崇火長有祝云毋逢海女毋見人魚人魚之種族有盧亭者新安大魚山與南亭竹沒老萬山多有之其長如人有牝牡毛髮焦黃而短眼睛亦黃面鰲黑尾長寸許見人則驚怖入水往往隨波飄至人以其爲怪競逐之有得其牝者與之媾不能言語惟笑而已久之能著衣食五穀携至大魚山仍沒入水蓋人魚之無害於人者人魚長六七尺體髮牝牡亦人惟背有短鬣微

廣身新語卷二十一 魚部
紅知其為魚間出沙汭能媚人舶行遇者必作法
禳厭海和尚多人首鱉身足差長無甲

暨魚

暨魚大者長二丈餘脊若鋒刃嘗至南海廟前謂
之來朝或一年數至或數十年一至若來數則人
有疫疾志稱南海歲有風魚之災風颶風魚謂暨
魚也有烏白二種來輒有風故又曰風魚暨一作
鯤諺曰烏鯤白鯤不勞頻至

潛龍鯨

南海有巨魚曰潛龍鯨蓋魚種而龍者也有網得
者長五尺許重百斤其小魚從者數千重不可網

肉甚甘諸骨柔脆惟鱗堅不可食鱗大者如掌可
為帶及酒器飾小者中雜佩脊一行腹二行鱗皆
十三兩翅兩行鱗皆三十瓊州唐伯元以為其脊
一行腹與翅行皆兩者五行也天地之數各五也
脊一腹二陽奇陰偶天一地二也十者天地之成
數天十而餘三三三為九乾元所以用九也地二
十而餘六陽進而陰不能也坤元所以用六也翅
三十者一月之數也兩翅合而甲子一周也總之
九十九鱗羣龍所以無首河圖所以虛中大衍之
用所以不滿五十也蓋易教也

黃雀魚

有黃雀魚者多產惠州八月化爲黃雀十月後復化爲魚魚與黃雀迭相化也吾不知其始爲魚而終爲黃雀耶抑始爲黃雀而終爲魚也魚與黃雀化於何始於何終他魚不化而黃雀魚獨化其必有故矣交州記云南海有黃魚九月變爲鶉鶉黃雀也魚本黃魚而曰黃雀魚黃魚本於黃雀故曰黃雀魚聞其名則知其爲黃雀所化矣然則黃雀先而魚後矣然黃魚以黃雀爲始而黃雀不以黃魚終則又何也有秋風鳥產雷州亦魚之所化化必以八月望前五日從風而起自南至北中秋後則無之故曰秋風鳥其亦黃雀魚之爲怪乎有海

鯉者亦能化歲二八月羣至沙洲移時化而爲鳥是曰火鳩海人譟而驚之化者十五鱗鬣不開者不全化矣食之自秋至冬瀕海皆足有以爲餽者發之鳥首而魚身者二客愀然曰是欲化而不可得者也無乃人離造化之情耶尚忍食哉命棄之

鼠鮎鳥賊

有鮎者產于南海每暴尾沙際以給鼠鼠見之謂且失水舐而將食之被卷入水有鳥賊者腹中有墨吐之以自衛嘗浮水上鳥見以爲死矣往啄之被卷入水二魚皆性黠爲鼠與鳥之賊然鼠與鳥以高而爲下者所食亦可以爲貪而下求者之戒

或曰烏賊魚相傳烏所化烏所化而還食烏故曰
烏賊烏不賊烏化為魚乃以賊烏魚樂而烏苦矣
魚

廣州地多池塘所畜者鯁鱮鯢鯢鯢皆以魚秧長
之鱮一名鱮語曰網魚得鱮不如嚼茹言不美也
鯢之美在頭鯢在尾鯢在腹語曰鯢魚頭鯢魚尾
鯢魚之腹其旨又曰水鯢土鯢病人宜食鯢浮
鯢沉可以滋陰蓋鯢屬土其性沉長潛水中鯢屬
水其性浮游長躍水上鯢食之可以實腸鯢食之
可以行氣鯢守而鯢行故以為美也江海魚之美
者語有曰第一鱮第二鱮第三第四馬膏鯢又曰

黃白二花味勝南嘉又曰寒鱮熱鱮黃者黃花魚
白者白花魚也又春曰黃花秋曰石首也凡有鱮
之魚皆屬火二花不然其功補益而味非故美鱮
魚至冬益肥故曰寒鱮鱮至夏益肥故曰熱鱮言
一以寒而美一以熱而美也凡鱮魚以冬初從江
入海趨鹹水以就煖以夏初從海入江趨淡水以
就涼漁者必惟其時取之語曰魚鹹產者不入江
淡產者不入海未盡然也白花魚鹹淡之水皆有
黃花惟大澳乃有大澳者鹹水之邊也白十月至
十一月以目是盡浮出水漁者必以暮取之聽其
聲穉則知未出大澳也聲老則知將出大澳也聲

老者黃花魚嘯子之候也其嘯子必於大澳故於
大澳取之取鱖及黃皮蜆鱗青鱗亦皆聽其聲聲
齊則開罾取之鱒魚以孟夏隨鱒魚出其性喜浮
游網入水數寸卽得或候其自海入江逆流至潯
州之銅鼓灘觸石壁不能西上則多得語曰黃魚
不上雙魚石三鰲不上銅鼓灘三鰲者鱒也黃魚
每新水長則出嘉魚以孟冬天大霧始出出必於
端溪高峽間其性潔不入濁流嘗居石巖食苔飲
乳以自養霜寒江清潮汐不至乃出穴噓吸雪水
凡嘉魚在蜀中丙穴者以三月出穴十月入穴在
粵中大小湘峽者以十月出穴三月入穴西水未

長則四五尺猶未入穴蜀嘉魚畏寒而喜熱粵嘉
魚不然白沙詩兩山斷處小湘峽十月嘉魚出水
鮮是也鱒魚鱠白皆以仲春出大者重數十斤入
自大洋望之如黑雲至虎門則鱒魚之穉者多變
爲鱒漁者輒合圍取之又鱒魚大至時其下堆積
至數十百丈不可底極以鎗刺一魚取之次魚飲
其血復上復鎗刺取之如是者相連不斷不可勝
取故鱒魚時節所在人民饜飫多糟之爲終歲食
蓋鱒魚放卵雄者爲雌者含卵口中卵不分散故
類繁彼此尾相啣無一斷續故得其一則千萬源
源可得竹魚產二禺連口以盛夏出色如簦葉青

翠鱗下多朱砂點味甘馬膏鯽以臘月出至三四
月有馬伍者以九十月出似鱸而肉厚爲馬膏鯽
之次故曰馬伍貼沙一名版魚亦曰左鯰身扁喜
貼沙上故名市歸以貼牆壁兩三日猶鮮卽比目
魚也一名鰈一邊青綠一邊白一目在青綠邊亦
有兩目合而爲一者吳都賦云雙則比目片則土
餘河鮓以番禺菱塘所出者爲美自虎頭門至菱
塘六七十里許其河鮓小色黃而味甘少毒與產
他縣大而板牙色白者異其價賤土人以當園蔬
秋時競爲河鮓之會以火燔刺以沸湯沃涎浣至
再三雜肥肉烹之皮骨脫落斯可食矣河鮓終歲

皆有入秋尤宜多食益胃爰人可減一衣產婦每
以爲補其腴在膈卽肝也俗以爲八珍之一云鮓
魚狀如鱸肉鬆少刺味甘大者重數十斤出海豐
鱗魚多產端州以春時出浮陽見日則眩漁者輒
於陽處取之一曰鱗龍魚長至丈有甲無鱗魚之
至貴者也鮓魚出流水者色青白出止水者青黃
故以灘灘中者爲美鱸魚狀如鰠圓頭縮尾狹鱗
肉厚而細脊之外其刺與骨皆脆美新安人每
以奉客味其以平食之肥健益氣一名鏡魚以其
圓也鮓有犁頭鮓劍鮓斑點鮓虎鹿鋸鮓背鬣而
腹翅大者丈餘皮有沙圓細如珠可以治木發光

潤海水將潮天將雨毛皆起涇雖千里外不爽一
名潮鯉腹中有兩洞以貯水養子子必二皆從胎
生朝出口暮則入臍其肉淡而鬆以翅作銀絲菜
稱珍品蠟魚產陽江似鯽而白肉柔膩性喜溫煖
臘月時漁人立水中魚爭附足可掇也紅者肉稍
粗鯿魚一名狼藉筭魚如筭長尺許與鯿鯿二魚
皆惠州出鯿魚大者盈丈鰾魚大如指許長七八
寸脊骨美滑宜羹龜魚如小兒臂大有腹無口其
足三十如筭筭章魚足有八寸名章舉昌黎南食
詩其五爲章舉魚是也石冷魚似蝦蟆而黑生石
穴中倒挂魚鮮食醉人宜鮮出萬州鳳尾魚一名

馬鱗其子宜醢葵鯉出羅旁水口圓如葵扇已上
皆魚之美者大率出於海者十之七出於江者十
之三然皆美於池塘者也其最微細而美者曰鱮
魚春時自巖穴中出狀似初化魚苗宜乾之食以
薑醋曰銀魚以秋九月出九月有風曰銀魚風予
詩九月銀魚出水長銀魚風起水泱泱是也其出
惠州豐湖之第一橋下者長二黍許光滑無鱗表
裏朗徹以白磁盆澆之與水無異惟見兩目瑩漆
希貴弗多漁者但量器計值煮以湖上清醒泉及
姚坑水有味無渣而出於清明節者尤美曰鶩毛
魚取者不以網罟乘夜張燈火艇中鶩毛魚見光

輒上艇須臾而滿多則滅火否則艇重不能載其氣味絕香一曰香魚外有錦鱗魚者大可二指長寸許身有橫理十二道鱗如錯錦具五色尾長於身如帶金彩縷縷以盤孟畜之於午日中投花一二瓣皆爭覆陰不得者忿而相鬪翩反鼓舞各有態度鬪罷復比目而游又有金魚者分鯉鯽二種春溪咬子咬子者雄以口咬雌者眼子則出腹子出腹宜亟取之否則雌者還食之矣或不食則子著葦藻間遇雷雨輒隨電光而去子初出色黑絲黑而紅而黃則純金矣以鬣小三尾五尾者爲貴謂之蝦尾咬子又名跌子當跌子時以大蝦蓋之則多蝦尾又或以撒開象木芙蓉葉者爲貴謂之芙蓉尾此二種則魚之可玩者也

魚花

南海有九江村其人多以縵魚花爲業曰魚花戶魚花產於西江粵有三江惟西江多有魚花取者上有封川水口下至羅旁水口凡八十里其水微緩爲魚花所聚過此則魚花稀少矣魚花之步凡數十步皆有餉魚花戶承之歲納于朝當魚汕種時雄者擦雌者之腹則卵出卵出多在藻荇間雄者出其腹中之腹覆之卵乃出子然見電則子不出矣土人謂魚散卵曰汕腹者魚之精也子曰花

者以其在藻荇之間若花又方言凡物之微細者皆曰花也亦曰魚苗以當春出於苗始生時與苗俱生也亦曰魚秧農人種禾兼種魚視魚猶禾也而多言魚花者又以其類不一故曰花也凡取魚花自三月至于八月當日落時望某方電脚低則知某方無雨某江之水不長某方電脚低則知某方有雨某方之水長長則某魚花至矣西南為南寧左江其水多土鯰正西為柳州右江其水多鱖鱒西北為桂林府江其水多艸魚艸魚者鰮也魚花以此四種為正畜於池易長故務取之他魚花則弗取也鯉鯽則或取諸蛋人以其雌者放子也

凡取魚花以苧布為罾罾尾為一木筐而無底半浮水上魚花從罾入至筐乃杓于船中罾之狀如複斗帳凡兩重外重疎以布四十丈內重密以布一丈為之大步置筐八九十小步十或二十上步取已復於下步取之其出不窮然多在江水灣環之所取之盛以白磁方如針許已能辯其為某魚揀為一族其浮而在盆上者鱖也在中者鱣在下者鰮最下則鯰也分養池中水淺而向陽則易長稍長者曰葦鱣謂可以食葦萍也歲正月始鬻魚花水陸分行人以萬計筐以數千計自兩粵郡邑至于豫章楚閩無不之也其鬻於近者魚花大遠

者小日以米湯和鴨子黃飼之又數易以生水其在舟中者則舟旁爲兩水車晝夜轉水使新水入舟故水不留而後魚花不病也價則鰾鱮貴以易長而不費艸也鰾賤以費艸每鰾百尾日需艸百斤也土鯰賤以其難長罕有重至一斤者又必冬寒而始肥也凡池一畝畜鰾三十鰾百二十鰾五十土鯰千日投艸三十餘斤鰾食之鰾不食或食艸之膠液或鰾之糞亦可肥也楚雖多魚而所產魚花楚人不重率重九江人所鬻者以粵之魚花易長也魚花難偽楚魚胞一重而直粵魚胞兩重上大而下小以此爲辯也九江之地如棋枰周

迴三十餘里其黑脉者堤也方罫者池塘也池塘之水養魚花者十之七養大魚者十之三養魚花水濁養大魚水清視其水色則知所養爲何等魚也地狹小而魚占其半池塘以養魚堤以樹桑男販魚花婦女餵愛鰾其土無餘壤人無敖民蓋風俗之美者也人之富多以穀估及販魚花史稱水居千石魚陂者此也

魚花產北江者不貴以北江多石灰水魚花食之不肥取之又不易畜而北江絕少淵潭故也凡魚皆藏於淵潭魚花從淵潭出者易養西江多淵潭而其源從滇黔交阯而來甚遠故魚花多而肥池

廣東新語卷二十一 魚言
塘中可以多養故諺曰北江魚種讓西江然廣西
人不解取卽取之而西江上流恆不如下流故諺
又曰下流魚花上流魚又曰上江魚放下江花

魚生

粵俗嗜魚生以鱸以鯪以鱠白以黃魚以青鱈以
雪鯪以鮫爲上鮫又以白鮫爲上以初出水潑刺
者去其皮劍洗其血鯪細削之爲片紅肌白理輕
可吹起薄如蟬翼兩兩相比沃以老醪和以椒芷
入口冰融至甘旨矣而鮪與嘉魚尤美予嘗蕩舟
海目山下取鮪爲膾有詩云雨過蒼蒼海目開早
潮未落晚潮催鮪魚不少櫻桃頰與客朝朝作膾

來又云羶羊峽口嘉魚美不若鮪魚海目鮮黃頰
切來紛似雪綠尊傾去更如泉又云刮鑊鳴時春
雪消鮪魚爭上九江潮自携膾具過漁父雙槳如
飛不用招鮪以櫻桃頰爲上黃頰鐵頰次之爛鱗
粉頰爲下其肪在鱗鱗不可使爛爛則脂流而味
損蓋鮪亦自惜其鱗每一絲罨鱗卽不復動故取
之必以絲網使柔弱而不傷鱗嘉魚亦多脂嘗食
乳泉石沐冬則出穴飲雪水而所處大小湘峽端
溪錦水楊柳沙潮鹹不到故肥美不腥膾之並美
於熟食也雪鯪以冬而肥其性屬水喜游泳波上
得湊流則跳躍尋丈生食之益人氣力鱸鰠鰓塘

虱亦可膾然食魚生後須食魚熟以適其和身壯者宜食諺曰魚生犬肉糜扶旺不扶衰又冬至日宜食諺曰冬至魚生夏至犬肉予詩魚膾宜生酒餐來最益人臨溪親舉網及此一陽春所以者凡有鱗之魚喜游水上陽類也冬至一陽生生食之所以助陽也無鱗之魚喜伏泥中陰類也不可以爲膾必熟食之所以滋陰也或云凡魚行隨陽春夏浮而溯流秋冬沒而順流其浮時可膾其沒時必須烹食乃不損人云粵人多有魚生之會以天曉空心食之佳或以鱸之烏耳者藤者黃者爲生亦有以蠔爲生者嶺內人不知此味不足與之言也

漁具

漁具多種其最大者曰辰次曰罾辰之類有曰深辰上海水淺多用之其深六七丈其長三十餘丈每一船一辰一辰以七八人施之以二辰爲一朋二船合則曰辰朋別有船六七十搜佐之皆擊板以驚魚每日深辰二施可得魚數百石有曰縶辰下海水深多用之其深八九丈其長五六十丈以一大縶爲上綱一爲下綱上綱間五寸一藤圈下綱間五寸一鐵圈爲圈甚衆貫以縶以爲放收而以一大船爲辰公一小船爲辰姥二船相合以辰

連綴之乃登桅以望魚魚大至水底成片如黑雲是謂魚雲乃皆以石擊魚使前魚驚迴以入魚魚入則二船收綵以闔眾口徐牽而上有曰板眾以小船施之小船有眾姥而無眾公故一名眾姥船有曰圍眾製如綵眾而小溪二三丈廣七八十丈連合二眾為一圍以二船一前一後施之亦以板驚魚凡魚首有石者皆驚入眾無者則否首有石者曰黃花曰鯛曰鯪子曰鮪魚曰鰻曰鱸曰馬鱈曰鱣此八者善驚有曰墻眾則以綵眾為之專以取鱮白及黃白花魚亦曰黃花眾每一船一眾眾深六七丈長三十餘丈相連數百千眾以為一墻

橫截海水魚觸墻眾不能去大小壅積起眾時魚多不可勝取每割眾之半以放魚大抵綵眾疎專以取大魚泰則取鱮白鮪冬則取黃花一歲僅兩用之圍眾密以取雜魚終歲用之此眾之事也眾之類有曰縵眾其形四方廣三丈有六尺以舟施之以二竹為管了竹長四十丈許上有多圈貫繩以為放改而為一管極以架眾魚至乃下管以石擊魚有曰沉管沉音朕方言也長十餘丈口大而尾小尾旁有一穴以出水母及鱉魚之屬而浮二木于水中以支管口又于水中置二水攪木以繫支管口之木是曰管門其口廣三丈有六尺常向

上流潮緩則罾口合急則口張而魚大入凡一沉
 罾以紵麻十二石爲之九人舁之罾之巨者也有
 曰知州罾其廣丈餘樹二木于水中以紉罾是曰
 硬門常浮而不沉費人力少罾之小者也有曰車
 罾其形方以三石白置罾竿墜而起之有曰絞罾
 形亦方周五丈餘以四角繫于柱中施之人在舫
 上離罾十餘丈魚至則轉轆轤以起之此罾之事
 也大抵罾皆用於海罾皆用於江罾之利常不如
 辰辰者漁具之可大得志者也罾之外有以箔者
 以籠者以塗跳者以跳白者箔以堅竹編之爾雅
 所謂筐亦曰罩也其注曰筐編細竹以爲罩是也

又曰今楚筐也無竹則以荆故謂之楚筐也筐薄
 曲也史記絳侯周勃以織薄曲爲生韋昭云北方
 謂薄爲曲淮南子云曲葦薄也詩曰烝然汕汕注
 汕櫟也以薄汕魚也櫟鄭氏曰今撩罟也方氏曰
 獨漉也獨漉樂苑作罟鹿荀子作獨鹿成相辭曰
 獨鹿棄之江注網也箔亦網之類也每一箔其崇
 五尺廣丈漁者嘗合五十箔而爲一其長五十丈
 虞其過大則箔口爲魚房二重以藏魚歲三月大
 禾已蔣魚始上田漁人以箔三方依田塍一方依
 水潮至則張而大潮退則卷而小是爲塞箔箔亦
 曰箔陸龜蒙詩織作中流萬尺箔故凡以石爲梁

絕水者曰洪以竹爲梁取魚者曰筭亦曰滬皮日
休漁具詩列竹于海溼曰滬今有滬瀆是也魚籠
長五六尺寬二尺口通尾塞以山藤繫之置于上
流魚入則爲倒叩鬚所罾不能出又中置樹枝以
聚魚塗跳以木爲之長三四尺厚半寸首尾翹然
狀若上弦之月前有二木直之上有一木橫之其
底則舟而兩旁無墻所謂橈也當海水乾落魚蝦
蛤鱔之屬膠黏淺沙跣踏之輒驚入漸洳不可得
漁者於塗跳曲其左足而以右足踣泥左扶橫木
而右手摭拾板輕坦滑擲行若飛蓋大禹泥行之
所乘者也跳白者船也其製小僅受一人於灣環

隈澳閒乘暮入焉乃張二白板於船旁而鳴其榔
魚見白板輒驚眩入網然諸魚不驚惟鱗鱖鮪三
者驚三者味甘美故粵人最重跳白之魚魚以曉
散而暮聚聚必於水之涯浹故跳白船之出以暮
而多在岬州蒙茸之際無風波患予詩花中藏跳
白出沒少魚驚向夕鳴榔去知予是月明其照公
魚則以火枝搖颺公魚捨火乃以罾漉之取花魚
則以藤竹爲竿竿長丈有三寸貴軟而輕以左紐
絲爲線長丈有四寸繫以四鉤鉤分四方施於沙
泥之上足輕手疾日可得花魚半石花魚者七星
魚也取鮰魚以釣其竿五尺繫以天蠶之絲餌以

公魚騰鱗取鮓以潑生釣以輕絲為之往來游颺
 則不損其鱗取河豚以秋潮始盛垂千百鈎於網
 中河豚性嗔觸網輒不去欲與網鬪以故往往中
 鈎又或以一大繩為母以千百小繩為子子繩繫
 於母繩之末而母繩之末各繫一鈎一河豚中鈎
 則眾河豚皆中鈎是名兄弟鈎亦名拖鈎其鈎皆
 空不以餌亦曰生鈎然生鈎之河豚多雌者雌者
 多子味不美惟南亭海心罔撒網而取者其河豚
 多雄雄者多腹味絕美予詩風俗河豚美秋來樂
 事多乘潮下生鈎濫口峭帆過取貶沙魚以細鈎
 先一夕放之江中次日乃收一細鈎有鈎數百魚
 者夫婦各放細鈎至數千好水旬則得貶沙數十
 百斤矣細鈎以蝦以七星魚或蚯蚓為餌鱈魚亦
 如是取是皆漁之具也予生長海濱知漁事故具
 記之然此乃吾番禺菱塘都取魚之具非全粵如
 此

鱈

鱈之族有曰鰻鱧背有肉鬣連尾無鱗口有舌腹
 白大者長數尺脂膏最多其有黃脈錦紋者名金
 絲鰻鱧善穿深穴冬時穴熱乃出名走風鱈有曰
 白鱈以產池塘中烏耳者為佳有曰黃鱈黃質黑
 章多涎沫大者長二三尺小者佳有曰藤鱈其曰

廣身新語卷二十一 魚言
三
泥鯁長二三寸無鱗以涎沫自染曰溫魚與泥鯁相似而多肉與諸鱸皆喜伏水土之下味甘可以滋陰大抵鱸與魚相反魚屬火可以滋陽故蛋人多子以多食魚又方書魚鰾白爲丸可以種子鱸屬水滋陰故患痰火者宜食之白鱸或塞箔或裝籠取之箔鱸爲佳黃鱸以釣或於坑田掘取之凡鱸畜於盆中夜以火照之其騰而捨火火輒滅者噴火蛇也與鱸相類而領下有細鱗數片食之殺人故凡食鱸者不可不慎諺曰魚浮鱸沉沉者滋陰雖則滋陰其毒亦深言蛇鱸之難辨也

養魚種

廣州諸大縣村落中往往棄肥田以爲基以樹果木荔支最多茶桑次之柑橙次之龍眼多樹宅旁亦樹于基基下爲池以畜魚歲暮涸之至春以播稻秧大者至數十畝其築海爲池者輒以頃計九江鄉以養魚苗魚苗之池惟九江鄉有之他處率養大魚卽養魚苗不繁滋也諺曰九江估客魚種爲先左手數魚右手數錢凡歲三月始有西水西水長故有魚苗八月西水盡則無之自封川江口至於羊峽口皆有魚花步步凡六七十處魚花者魚苗也亦曰魚秧以其利與田禾等故曰苗曰秧而嘗名則曰魚種云魚種皆出於左右兩江左右

兩江者何赤雅云左江發源交趾右江發源牂牁至潯而兩江合爲一至梧而桂江入之而三江合爲一而左右江之名不存然地形左宜爲右右宜爲左而今從溯流而言分左右不從地形分左右也又南寧亦有左右江左出廣源右出峨利會於合江鎮以入橫州是左江之中又有左右江也然出廣源者古夜郎豚水也古名鬱江出峨利者古交濛泓水也古名黔江則謂鬱黔爲小左右江可也

魚牌

魚苗本粵西溪潭中巨魚散卵至端州境內始出于九江堡民於灣環處所取之自封川江口至高明爲魚苗阜者九百所每阜分上中下納稅于府名曰魚牌其曰鯉鱗者南雄每寒食大水魚之逆流而上灘者多鯉鮪鯽青魚之屬土人作鱗迎之魚入輒不得出謂之鯉鱗不言他種魚者以鯉爲羣魚之長鯉來則衆魚皆來云爾

龍蝦

龍蝦巨者重七八斤頭大徑尺狀如龍采色鮮耀有兩大鬚如指長三四尺其肉味甜稍粗於常蝦以殼作燈光赤如血珀曰龍蝦燈東莞新安潮陽多有之昌黎詩又嘗疑龍蝦果誰雄身鬚

鯊虎

南海多鯊魚虎頭鱉足有黑紋巨者二百餘觔嘗以暮春至海山之麓旬日化為虎惟四足難化經月乃成有虎皮白皮料影三種鯊魚亦能化虎故凡炳炳成章者虎之虎也紋直而疎且長者鯊之虎也有見鯊之虎者但擊其足則斃之或曰鱈魚一名忽雷秋時亦多化虎而三爪然則南海之虎類多矣鯊與鱈之所化者人猶能識之人之所化者未知何狀或曰今之世未見有人如牛哀之化虎者也止見有虎之化人耳噫

魚餉

九江鄉瀕海粒食惟艱多以池沼養魚爲業弘治間名水蛋戶流亾所遺課米數千石總制劉大夏上疏將西江兩所河阜上自封川下至都舍召九江鄉民承爲魚阜分別水勢上者納銀五錢下者二錢五分貯肇慶府給帖照船撈魚永著令典其後總制凌雲翼蕩平瀧東西兩山復開羅旁并都舍下諸處魚阜歲餉約有千金所謂魚阜者魚花步也蓋九江鄉益西北江下流地宋魚塘十之八田十之二故其人力農無幾終歲多殫力魚苗魚苗出西北諸江清明後雷雨大作魚孕育乘潦流下其種柳慶爲上南寧次之鬱桂又次之富賀又

次之北江爲下長年蛋戶當夜分西望電光卽知
魚苗來自何江至以何日柳慶越三旬兩旬南寧
則兩旬旬半餘各遲速有差或電光遠則知過卍
門不來辨析部位微茫若操左券魚苗入塘養至
下年春乃以船載往兩粵州縣兌換穀米於廣肇
二府有正餉於龍川南雄羅定有額輸於始興開
建永安香山桂林平樂潯賀又有例徵且所兌穀
石非苦過糴則厄上倉魚商罷困極矣而龍川爲
甚故諺有曰龍川不可往矜魚不可養然通鄉魚
花大半售在龍川往則傾貲不往則有餘魚爲患
正未已也

插箔

廉陽自永安至乾體一帶種穀之地無幾瀕海居
民非插箔無以爲生然有箔無船箔又何利近者
關權印烙海船蛋人率舍舟楫致插箔日少有司
者宜於插箔船免其徵收不與諸船納稅同科庶
澤國謀生有藉然有箔而無船猶無箔也有魚而
無鹽猶無魚也宜令沿海諸箔請於阜引按箔之
多寡以納鹽課之多寡大約歲中每箔一所課銀
五六錢許俾魚鹽交資其益而不相害則箔戶殷
盈而國課亦因以裕矣

飛魚

廣東新語卷二十二 魚部
海南多飛魚或謂吳都賦文魴夜飛而觸綸卽此
有句云飛魚從未見漁父說文魴飛魚有兩翅飛
疾如鳥觸綸輒有光射潮夜見漁火爭投船上烹
之味甚美

似嘉魚

四會有烏龍潭在縣西二百里潭底石隙中多產
鮮魚柔鱗肥甲如水晶土人謂之似嘉魚其味如
鮓益四會爲二江所匯地多白蕩其魚多野生不
俟下種德慶之嘉魚其種至此而變未可知似嘉
魚者嘉魚之庶孽也

鮓魚

順德甘竹灘鮓魚最美其灘上鮓魚以罨取之灘
下鮓魚以大網取之罨小一罨僅得鮓魚一尾以
灘小不能容大網也南海九江堡江中有海目山
所產鮓魚亦美而甘竹灘尤勝予詩甘灘最好是
鮓魚海目山前味不如絲網肯教鱗片損玉盤那
得鱸香餘又曰灘下肥過灘上魚罨中潑刺沂流
初冰鱗觸損烹無及玉筋殷勤食有餘相傳鮓乃
鮓白所變在海爲鮓白在江爲鮓鮓白於春鮓於
夏其味皆美鮓白之鮮者陽江最多予詩鮓黃鮓
白鮓花香玉筋金盤儘意嘗鮓味美諺云一鮓二
鱸鮓體圓一名鏡魚予詩鏡魚春向鏡中遊又云

廣東新語卷二十三終
魚在鏡湖多似鏡魚生以鱠魚為美他魚次之子
家在沙亭鄉池沼頗多親戚相過必以斫鱠為歡
以多食鱠為韻事予有過某族翁斫鱠詩云出水
鮮鱗作鱠宜蠻薑蜜酒沃紅肌相過一味魚生足
不必重為雞黍期又曰鱠成雙蝶食如流冬至魚
生絕勝秋明歲方塘思佃取養魚思向范公求又
有漁歌調行香子云第一魚鱸第二魚鮓第三魚
是馬膏鯁潮鹹潮淡一任漁郎喜春風來黃花短
白花長江水魚香魚子滋陽大罾船滿載鹽霜
眾公眾姥兩兩開洋更鱗魚寒鱸魚熟鱠皆良
廣東新語卷二十三終

廣東新語卷二十三

分目

介語

鱉

龜

蟛蜞

白蜆

羸

白蜆

弔

鮫鯉

珠鱉

蟹

蠔

蛤

蚌

殺鱷魚

白鼈

玳瑁

石蟹

蟪

玳瑁

鱉子

瑤瑁

仙鱉

廣東新語卷二十三

番禺 屈大均 翁山 誤

介語

鱉

鱉大者尺餘如覆箕其甲瑩滑而青綠眼在背口
藏在腹其頭蜷螂而足鱗足鱗而多其四尾三稜
長一二尺其血碧凡諸血皆赤惟鱉碧色碧生於
鹹赤生於淡海之水鹹故色碧鱉之血與海水同
得鹹之氣多故也其子如粒珠出而為鱉者僅二
餘多為鱗為螿蝦麻蝦及諸魚族蓋淡水之魚多
生於魚鹹水之魚多生於鱉鱉乃諸魚蝦之母也

廣東新語卷之三
鱻者候也善候風諸水族亦候之而出故曰鱻性
喜羣遊雌常負雄於背背有骨如扇作兩截常張
以爲帆乘風而行雌雄相積雖遇驚濤不解名曰
鱻帆漁者每望其帆取之持其雄則雌者不去如
持其雌則雄去矣然失雄亦不能獨活故曰鱻媚
取之又多以夜凡海中夜行舉棹撥浪則火花噴
射鱻懈之屬緣行沙渾亦一一有火花水鹹成火
漁者每拾一火則得一鱻懈之屬蓋海族多生於
鹹鹹火之渣滓也海族得水之清虛者十之三四
得火之渣滓者十之五六介之類屬離離爲火鱻
懈者火之渣滓所生者也水之清虛所生者知雷

火之渣滓所生者知風豚魚與風相孚鱻亦然

昌黎詠鱻詩鱻形如車文背眼相負行其詠蒲魚

云蒲魚尾如蛇口眼不相營蒲魚者鱒也形如盤

大者圍七八尺無鱗口在腹下目在額上尾長有

刺能螫人肉白多骨節節相連比柔脆可食二物

口眼皆與衆魚異故昌黎並言之又昌黎南食詩

一曰鱻二曰蠔三曰蒲魚四曰蛤五曰章舉六曰

馬甲柱其詩曰南食驚呈怪又曰南烹多怪味又

曰我來禦魑魅自宜味南烹鱻亦佳味故昌黎首

言之鱻殼可代甲香以合香其勢力均尾尤佳

鱻雌大而雄小諺曰香山鱻雌長雄幼雌稍大常

負其雄得其雙者乃可食單者及身小名鬼鱉者與尾有鋸刺者不可食漁者殺而賣之中有清水二升許不肯棄云以其水同煮味乃美非水也血也以色碧故不知其爲血也

水者火之本水潤下作鹹則火炎上作苦海族生於潤下卽其生於炎上者也凡鱉蟹之屬置陰處皆有火光鱉魚亦有火元微之送客遊嶺南詩曙朝霞睽睽海夜火燐燐火燐燐謂鱉蟹之屬也

珠鱉

珠鱉產高州海中其背隆起者有珠珠或從口吐出于高涼曲有云蚌含明月浮滄海珠鱉江中亦

吐珠又記云珠鱉三足有珠百碧或云六足珠鱉味甚美伊尹云魚之美者醴水之魚名曰朱鼈

玳瑁

玳瑁產廉瓊州一作瑋瑁龜夜伏沙汀注目上視與月爭光月之精華因入焉而爲文介漁人捕得之覆其背卽不能去比曉其介文采益鮮明因阨於沙而磨瑩焉自脊兩分得十四版以厚而黃多有物形者爲貴區懷瑞賦云其物也非龜非鼈非蜴非鼉鼈皮鸚喙六甲千葩緝采斑駁若雲若霞又云是爲瑋瑁穴于丹水遊于桂海餌于珠苗吸于瓊溼旣異螭螭又非蒼蔡珍隄百朋章含九貝

廣東新語卷二十三
介脆薄文采亦明
其甲黃明無日脚者煮而拍之陷黑琥珀狀甚明
媚日脚謂甲上有散黑暈也一種赤鮐與相似然
相飛潛譎怪變幻出沒螭鏤鬼繪血禦鳩毒甲插
蠱慙鳥之諸尸是帶是佩螭螭山巨龜也巧匠以
函茹五英以爲幅背映日凝丹流文菱葑繡錯金

龜

毛龜出韶州大如錢以水養之其毛披放色碧綠
置之几案可辟蠅有六目龜出欽州本兩目其四
目乃金黃花紋圓長中黑與真目排比狀似六目
故名有卜龜出雷州俯行者靈有巨龜出惠州背
生樹木望之儼如洲渚然不常見有紅白二龜在
文昌北石井中旱禱之紅出則雨白出則否亦神
龜也

蟹

蟹善候潮潮欲來舉二螯仰而迎之潮欲退折六
跪俯而送之漁人每視其俯仰以知潮之消長蟹
以潮之消長爲多少潮長則蟹少消則蟹多予家
在菱塘嘗蟹浪時使童子往三沙四沙捕蟹隨潮
下上日得蟹數籠或乘潮乾蟹從稻田求食其行
有跡跡之得其穴一穴輒一輩然新穴有蟹舊穴
則否其匡初蛻柔弱如綿絮通體脂凝紅黃雜糅

結爲石榴子粒四角克滿手觸不濡是名奕懈其未蛻者曰膏懈蓋懈黃應月盈虧爲月之精所注故以膏爲美膏多則又曰母懈懈以有膏爲母猶蚌以有珠爲母也次者肉懈自扶胥以上水淡多肉懈近大小虎門水鹹多膏懈蓋水淡則懈多肉之所爲水之肉也懈以奕者爲貴其字從解言以甲解而美也甲解者蛻也蛻則奕蛻必以秋然每年四月八日潮不大長是日奕懈尤多故諺有云四月八日奕懈爭出則懈亦以夏而蛻矣蛻則益肥然大抵潮減則懈肥潮滿則懈瘦每月初九

二十三兩日潮必乾潮乾而懈食泥則肥潮滿而懈食水則瘠又懈一月一解自十八以後月黑懈乘暗出而收食食至初二三而肥肥則殼解月皎時懈不敢出則瘠矣然懈率以秋淡以盛寒而肥以月黑潮水小而解蓋懈產於鹹淡水之間有白蜺之所盛寒時白蜺子肥故懈食之而肥又懈以流水生者色黃而腥止水生者緋而馨得白芷則黃不散得葱及五味子同煮則色不變懈類甚多有曰小娘懈其螯長倍于身大者青綠如錦味與諸懈同而新安人賤之惟熟其螯以進客有擁劍五色相錯螯長如擁劍然新安人以獻

倍之從海面飛越數尺以螯為翼網得之味勝常
蠃此三者蠃之異者也尋常以膏蠃為上蠃之美
在膏而其容善於俯仰俯以八足之折故曰跪仰
以二螯之倨故曰螯螯者敖也
食蠃上螯今則上膏予村居多暇秋日輒出扶胥
釣蠃有詩云紫蠃得霜肥銜禾上釣磯閒垂兄弟
釣更得白魚歸兄弟釣本以釣河豚者蠃觸之亦
往往多得又或緯蕭為斷承流而取之或置小石
數百枚罟中以為餌二人持罟截港口而取之予
又有捕蠃辭云捕蠃三沙與四沙秋來樂事在漁
家隨潮上下菱塘海艇子歸時月欲斜又云紫蠃
迎潮復送潮紛紛銜穗上蘭橈蠃黃應月秋逾美
亂擲金錢向市橋又云匡螯初蛻及秋肥毋蠃膏
多肉蠃稀飽食沙田霜降稻潮乾拾得滿船歸又
云虎門潮水接牂荊春淡秋鹹蠃總多水肉金膏
隨月滿精華更柰稻花何

石蠃

環瓊水鹹獨崖州三亞港水淡故產石蠃石上有
脂如飴膏蠃食之粘螯濡足而死輒化為石是為
石蠃取時以長鈎出之故螯足不全或謂石蠃浮
游海中見風則堅誤也或謂石蠃水沫相著所化

多生海潮出入處隨風漂出善水者沒而取之於水中洗刷出水則泥不能脫云

蟛蜞

凡春正二月南風起海中無霧則公蟛蜞出夏四五月大禾既蒔則母蟛蜞出其白者曰白蟛蜞以鹽酒醃之置茶蔴花朵其中曬以烈日有香撲鼻生毛者曰毛蟛蜞嘗以糞田飼鴨然有毒多食發吐痢而潮人無口不食以當園蔬故諺有曰水潮蟛食鹹解鹹解者以毛蟛蜞入鹽水中經兩月熬水爲液投以柑橘之皮其味佳絕解其渣滓不用用其精華故曰解也蟛者蛤之屬諺曰蟾蜍蛤蟛三者形狀相似而廣州人惟食蛤不食蟾蜍蟛蜞惟潮州人食之故名曰水潮蟛蜞有一種生海泥中長二三寸大如指兩頭各有兩岐以其狀怪故曰怪氣味甘溫能去胸中煩悶然病後不可食食惟白蟛蜞稱珍品予詩正月蟛蜞出雌雄總有膏絕其全在殼雖小亦持螯又云風俗園蔬似朝朝下白黏難腥因淡水易熟爲多鹽

蠔

蠔鹹水所結其生附石礁礪相連如房故一名蠔房房房相生蔓延至數十百丈潮長則房開消則房闔開所以取食闔所以自固也鑿之一房一肉

肉之大小隨其房色白而含綠粉生食曰蠔白醃之曰蠔黃味皆美以其殼累墻高至五六丈不什殼中有一片瑩滑而圓是曰蠔光以砌照壁望之若魚鱗然雨洗益白小者真珠蠔中嘗有珠大者亦曰牡蠣無牡牝以其大故名曰牡也東莞新安有蠔田與龍穴洲相近以石燒紅散投之蠔生其上取石得蠔仍燒紅石投海中歲凡兩投兩取蠔本寒物得火氣其味益甘謂之種蠔又以生於水者為天蠔生於火者為人蠔人蠔成田各有疆界尺寸不踰踰則爭蠔本無田田在海水中以生蠔之所謂之田猶以生白蜆之所謂之塘塘亦在

海水中無實土也故曰南海有浮沉之田浮田者薤簞是也沉田者種蠔種白蜆之所也其地婦女皆能打蠔有打蠔歌予嘗效為之有曰一歲蠔田兩種蠔蠔田片片在波濤蠔生每每因陽火相疊成山十丈高又曰冬月真珠蠔更多漁姑爭唱打蠔歌紛紛龍穴洲邊去半溼雲鬟在白波打蠔之具以木製成如上字上挂一筐婦女以一足踏橫木一足踏泥手扶直木稍推即動行沙坦上其勢輕疾既至蠔田取蠔鑿開得肉置筐中潮長乃返橫木長僅尺許直木高數尺亦古泥行踏橈之遺也

香山無蠔田其人率於海旁石巖之上打蠔蠔生壁上高至三四丈水乾則見以艸焚燒之蠔見火爆開因夾取其肉以食味極鮮美番禺菱塘村多名今掘地至二三尺即得蠔殼多不可窮居人墻屋率以蠔殼爲之一望皓然

蠔

蠔比黃蜆而大聞雷則生故文從雷雜錄云番禺每震雷有大蛤從空而下名天蛤非也白蜆從霧中落可名天蜆而蛤多因黃雀入海而化不可名天蛤故謂蠔曰天蛤非也蠔者雷之所感白蜆者

霧之所感也然陽江有紅羸焉殼黑而肉微紅味絕甘生海中千百成羣若蠱房相結海人鉤取其一則千百羣起其年若地震則不生聞雷則死又與蠔異粵故有蠔田在番禺市底之南春初取小蠔種之至冬乃取故曰蠔田田在鹹海中亦曰蠔塘猶夫白蜆之塘也蠔與蠔白蜆蠔雖生於天亦恆生於人惠潮多蠔田蠔與沙蛤蠔皆味甘性溫益人蠔從甘不用調和自然甜美愈大愈嫩志稱嶺南炙之名天蠔是也一名花蠔沙蛤不可種故粵人貴沙蛤而賤蠔蠔凡沙坦皆有冬月時漁者以足取之謂之踢蠔蠔以天寒乃肥其以仲秋

廣東新語卷二十三 不詳
孕者腹黑廣人有釀蠅之食以白者爲貴

白蜺

番禺海中有白蜺塘自獅子塔至西江口凡二百餘里皆產白蜺歲二三月南風起霞氣蔽空輒有白蜺子飛落微細如塵然落田輒死落海中得鹹潮之力乃生秋長冬肥積至數丈乃撈取予有謠云南風起落蜺子生於霧成於水北風瘦南風肥厚至丈取不稀殷勤祭沙渾莫使蜺子飛外有黑蜺黃蜺一名扁羸遇風雨亦輒飛徙蛋女率於黑沙泥處取之貧者以爲蔬然味不如白蜺凡生於海者曰白蜺生於江者曰黑蜺黃蜺而金鉸蜺者

生大泮中獨珍劉鋹時取以自奉禁民不得採亦曰金口蜺有無耳蜺產韋涌相傳宋帝昺幸韋涌時食蜺而美之曰惜不令其無耳至今帝泊舟處蜺皆無耳甘美異常進蜺漁人配祀將作大匠梁公廟中人稱蜺子丈人云蜺之美可以解蠱以爲腊不能水土者宜之

白蜺多生於霧每當春暖白霧瀰空濛濛深濛之中土人知爲白蜺落也各落蜺天白蜺者霧之昏也霧白者曰南霧南風之霧也白蜺以春南霧而生以冬南風而熟皆宜暄暖若大盛寒則瘦矣又雷多則蜺子亦瘦蜺子蓋風之族宜風而不宜雷

風之南者生物故又宜南風也南風之起舊蜺子未盡新蜺子復積其上厚至數十百丈不可極過春則化爲泥滓故取之貴及其時有南風羸形大如荔支肉頗堅勒風從南來則羣至亦其類凡取蜺之蛋曰蜺笊取蝦之蛋曰蝦籃其富者則出洋皮取大魚蜺之利以白蜺塘爲最豪右家擅奪海中深澳以爲塘白蜺之所生或多或少視其人造化所至蛋人佃其塘以取白蜺亦復如之故諺曰今年白蜺多蛋家銀滿笊

蛤

蛤生田間名田雞冬藏春出篝火作聲呼之可獲

三月三日農以其聲卜水旱聲小水小聲大水大諺曰田雞聲啞田好稻把田雞聲響田好蕩漿又田雞上晝鳴上鄉熟下晝鳴下鄉熟終日鳴上下齊熟唐詩田家無五行水旱卜鼃聲鼃蛤也或謂大聲曰鼃小聲曰蛤韓退之南食其四曰蛤未知是此否珠蚌亦名蛤然非嘗食一種肖田雞而無腰股鳴長聲俗呼爲甥主瘰癧卽螻蝻云

瓊瑁

瓊瑁狀似珠蚌殼青黑色長寸許大者二三寸生白沙中不汗泥淖互物之最潔者也有兩肉柱能長短又有數白蟹子在腹中狀如榆莢合體共生

常從其口出爲之取食蓋二物相須瓊瑤寄命於
蟹蟹託身於瓊瑤郭璞謂瓊瑤腹蟹葛洪謂小蟹
不歸而瑤敗是也然瓊瑤清潔不食但寄其腹於
蟹蟹爲瓊瑤而食食在蟹而飽在瓊瑤故一名共
命羸又曰月蛤每冬大雪則肥瑩滑如玉日映如
雲母味甘以柔蓋海錯之至珍者諺曰霜蟹雪羸
味不在多凡羸皆以雪肥蟹則以霜予詩云霜肥
羸有柱月滿蟹多黃有紅羸腹中亦有小蟹漁者
率釣取之又有海鏡二散相合甚圓肉亦瑩潔有
紅蟹子爲取食一名石鏡其腹中小蟹曰蚌孳任
昉謂之筋

羸

羸種最多以香羸爲上產潮州大者如盤盂其殼
雌雄異聲可應軍中之用次則珠羸出東莞大步
海南漢常置三千人採之名其地曰媚川都人曰
珠羸戶有銀母羸狀若蚌內多小珠而珍色不及
殼厚而瑩可以截鑲器皿亦名珠母其曰銀母者
以散言曰珠母者以多珠子言也其肉最珍而性
寒有九孔羸產珠與蚌珠類有鸚鵡羸珠光隱隱
可燭交采五色類鸚鵡有指甲羸一名紫蠅荀子
東海有紫絃絃卽蠅也一名石蠅味甘鹹能利小
水江淹謂石蠅有足翼得春雨則生華郭璞謂石

蚶應節而揚葩是也味絕鮮美虛損人以米酒同
煮最補益有馬甲柱形如指甲羸殼薄肉少味頗
清昌黎南食詩章舉馬甲柱鬪以怪自呈有寄生
羸生鹹水者離水一日即死淡水者可久畜殼
五色如鈿或純赤如丹砂其蟲如蟹有螯足腹則
羸也以佳殼或以金銀為殼稍炙其屍即出投佳
殼中海人名為借屋以之行酒行至某客前而駐
則飲故俗以為珍有螭螯者二螯四足似彭蠡其
屍柔脆蛇屈則羸每竊枯羸以居出則負殼退則
以螯足扞戶稍長更擇巨殼遷焉與寄居蟲異名
多足羸亦曰竊蟬越記負屋之螯飼以雲母能產

白珠梅華國志屋蟬千歲出海為螯龍蓋此物也
有神仙羸產羅浮曾經仙人所嚼屍端盡吸味甚
甘有流羸大如小拳一名甲香羸肉亦視月盈虧
有蛤蚶生海濱土中白殼紫唇一名赤口羸以殼
為粉曰蛤粉可入藥凡羸類兩殼相合皆名蛤而
此羸肉殼並利於人故曰蚶有車螯者似蛤蚶而
大甲厚而瑩有斑點如花絕水伴外為鳥信而啄
之輒為所得一名沙蚶有海膽生島嶼石上殼圓
有粟珠大小相串粟珠上又有長刺纍纍相連取
一帶十如破其一餘皆外粘於石上殼破流漿終
不得起肉色黃鮮以作醬味佳已上諸羸皆舉其

知名者史稱楚越之地飯稻羹魚果隋羸蛤不待
賈而足地勢饒食蓋謂此
語曰羸饑蜆肥凡年豐則白蜆烏蜆多凶則沙羸
多沙羸亦霧露所爲霧露之渣滓爲白蜆烏蜆其
精華爲沙羸故沙羸不能多有沙羸者瓊瑤也嶺
南蛤蜊不如江浙瓊瑤則勝之予詩瓊瑤羹清絕
河豚美在肝凡河豚以三月從鹹海入者可食以
冬十一二月從淡江出者不可食以其在江之灣
澳食胡蔓艸汁益其毒其肝雖美亦毒之所聚不
可不慎

蚌

蚌川澤處處有之凡狹而長者皆曰蚌廣而圓者
皆曰蛤車白與蜆皆蛤屬車白卽車螯土人以爲
沙白者謬也蜆老則肉出小蛾而蜆死小蛾復散
卵水上爲蜆蜆在沙者黃在泥者黑蛋人以撈蜆
爲生有諺曰饑螺飽蜆謂螺多則歲不熟蜆多則
歲大豐云廣中蜆特多人以爲蔬貧者不能買魚
惟買蜆而已有先達都憲何公經者罷官家居偶
思食蜆蜆適過門探囊中無錢夫人曰何不書清
字售之公笑而止此蜆之佳話也

鱉子

鱉雌者子滿腹中殆無空隙炎海之鱉不孕子皆

鱉子所化九爲蠚十一爲鱉也鱉者蠚之母然獨
炎海之蠚母之他處無鱉蠚之所生又異矣

白蜺

凡南風霧重則多白蜺北風霧則否蓋白蜺之生
生於霧霧味鹹鹹爲白蜺之生之本始生時白蜺
之形如霧自空而下若無若有人見之以爲霧也
漁人知之以爲天雨蜺子也蜺子旣成以天煖而
肥寒而瘠在菱塘沙灣二都江水中積厚至數十
百丈是曰蜺塘取之若泥沙量之以舸艘以食以
糞田以壅蔗以飼鳧鴨其利頗大自冬至春淘者
鬻者所在有之

殺鱷魚

昔韓愈守潮州鱷魚爲暴爲文以祭弗能去後刺
史至以毒法殺之其害乃絕按周禮秋官壺涿氏
之職曰掌除水蟲以炮土之鼓以毆之以焚石投
之永樂中吳淞陂塘壞壅水橫流漂沒廬舍田屢
不登官賦匱缺朝遣使者治之治輒壞居民告曰
水有怪焉穴於塘澳塞土填石不勝其一奮必殺
怪而後塘可成也於是使者相繼謀殺怪卒無計
策朝廷憂之遣夏元吉往原吉至命具舟數百載
以焚石布塘之上下令曰聞鼓聲齊下焚石於是
兩岍擊鼓競投焚石急散舟以避之須臾波濤狂

廣東新語 卷二十一 風俗 五

沸水石博擊震撼天地輾轉馳驟赤水泉涌有物
仰浮水面焦灼腐爛縱橫數十丈若鼉若鼉莫可
名狀怪絕而塘成假使昌黎讀周禮得此殺怪之
方則盡鱷魚之種類以誅何暇與之論文哉鱷魚
而祭祭且用文彼爰居之祀又何譏焉此何確之
說也

瑋瑋

瑋瑋如龜大者如盤盂上有鱗發之因見其文有
光輝可作器生帶之遇有蠱毒則其甲自動搖每
以爲驗一種名脊鱗大如巨龜甲上有膜一層以
火向下焙之可圻而起文似瑋瑋而質薄廣人所

師器用皆以此陳震詩瑋瑋脊鱗采不殊用膏熊
膽功堪比

弔

弔介之屬也產瓊州海口港中蛇頭鼉身水宿不
棲其膏甚輕利貯以銅瓦皆滲出惟雞卵盛之則
不漏以治諸腫毒功同熊膽

白鼈

白鼈可以愈痰火症其初得之神授廣人甚珍之
有口號曰烏耳鱗白脚魚滋陰降火只須臾

仙蟬

仙蟬產羅浮阿耨池旁形如錢大色深紅明瑩如

廣雅 卷二 魚部
琥珀大小數十羣行見人弗畏以泉水養之可經
數月見他水則死相傳仙人擲錢所變

鮫鯉

鮫鯉似鯉有四足能陸能水其鱗堅利如鐵黑色
絕有氣力能穿山而行一名穿山甲蓋陸之魚也
楊孚異物志鮫鯉吐舌螻蟻附之而因吞之又開
鱗甲使螻蟻入之乃奮迅而舐取之予詩穿山有
陸魚螻蟻食無餘水中魚尚可只解食沮洳其甲
灰可治蟻癩血入土則隄岸滲漏語云百丈之隄
潰於蟻穴其鮫鯉之故耶

廣東新語卷二十三終

